



Cumün d'Ardez

Sezzüda da la suprastanza nr. 05/09 dals 3-03-2009

Preschaints: la suprastanza cumünala e la chanzlista

S-chüsats: Erika Zimmermann

Tractandas:

- | | | |
|----|---|-----|
| 1. | Approvaziun dal protocol dals 24-02-2009 | |
| 2. | Ledscha d'impostas (chans bracs) | 542 |
| 3. | Scumond da passagi per canus | 543 |
| 4. | Dumonda a regard maschina da loipa Scuol-Martina | 544 |
| 5. | Prosmas radunanza cumünala | 545 |
| 6. | Sistem da sgürar datas, computers | 546 |
| 7. | Collavuraziun culla pulizia chantunala per controllas pulizialas in cumün | 547 |
| 8. | Staziun Swisstop | 548 |
| 9. | Orientaziuns e varia | |

1. Approvaziun dal protocol dals 24-02-2009

Il protocol dals 24-02-2009 vain approvà davo avair fat ün pêr müdamaints.

IMPOSTAS

32.

2. Ledscha d'impostas (chans bracs)

542

Il capo orientescha chi saja necessari da precisar l'artichel 13, punct c) illa ledscha d'impostas. Sco deliberats da pajar l'imposta da chans sun tenor punct c "bracs". Tenor dicziunari es brac ün chan da retschercha, però pervi chi da üna razza da chans cul istess nom, nempe "Deutscher Bracke" pudessa dar malinclettas pro la deliberaziun da l'imposta. Il capo fa la proposta da rimplazzar il nom brac cun chans da retschercha cun attest.

Decisiun: La suprastanza cumünala decida da propuner a la radunanza üna revisiun parziala da la ledscha d'impostas art. 13 punct c).

PULIZIA

30.

3. Scumond da passagi per canus

543

Il capo orientescha chi saja entrada üna charta da la società da canus Svizzer. Davo chi d'eira entrada pro'l cumün üna dumonda da passagi cun barchas illa chavorgia d'Ardez vaiva la suprastanza cumünala decis da na dar il permiss per quist intent chi d'eira commercial. Implü d'eira gnü signalisà sülla punt da Sur En ün scumond da passar illa chavorgia. La società da canus Svizzra renda attent cha'l cumün nu saja cumpetent per applichar ün tal scumond. Il traiget da la chavorgia d'Ardez es descrit illa charta per canus sco fich greiv. Ils canuists ston avair cugnuschentschas da quista da quista charta e passan il traiget sün agen ris-ch.

Decisiun: La suprastanza cumünala piglia cogniziun da la charta da la società da canus, il signal vain levà. Il cumün nu surpiglia però ingüna respunsabilità in cas d'accidaints.

TURISSEM**36.****4. Dumonda a regard maschina da loipa Scuol-Martina**

544

Il capo orientescha chi saja entrada üna dumonda a regard la maschina da far loipa. La maschina da far pista es uossa 12 ons veglia e la dūrada da vita sta in dumonda. Our da quel motiv ha la cumischiun da loipa Scuol-Martina fat la dumonda scha'ls cumüns sustgnessan la cumprita d'üna maschina nouva tenor clav da scumpart. Ils cuosts s'amuntan a var fr. 200'000.00. Davo avair vendü la maschina veglia e fat adöver da la facultà da la loipa Scuol-Martina resta amo ün import da var fr. 50'000.00 fin 80'000.00. Quist import gnis scumparti tanter ils cumüns. Il capo fa la proposta da sclerir in che rom cha l'import s'amunta pel cumün d'Ardez.

Decisiun: La suprastanza cumünala decida da sclerir in che rom cha l'import s'amunta pel cumün d'Ardez e da tour posiziun pür davo.

ORGANISAZIUN CUMÜNALA**16.****5. Prosma radunanza cumünala**

545

La suprastanza repassa la bannida per la prosma radunanza cumünala. I vegnan fat amo alchüns müdamaints ed adattamaints. Implü vain discus il proceder. Per pudair preschantar la proposta da la suprastanza da la tractanda orientaziun fusiuns a la radunanza esa necessari cha la decisiun tratta i'l lavoratori insembel cun dr. Jean Claude Kleiner dals 14-02-2009 figurescha in ün protocol. La suprastanza cumünala es gnüda i'l lavoratori a l'avis cha be üna fusiun gronda maina fin ultim resultats positivs per Ardez e l'Engiadina Bassa.

Decisiun: La suprastanza cumünala ha decis da na's participar als progets da fusiuns parzialas chi's fuorman amunt o aval dal cumün d'Ardez. La suprastanza es però pronta d'entrar in trattativas da cooperaziun, collavuraziun o da fatta fusiun sül chomp regional (fusiun gronda).

Organisaziun EED**16.09.3****6. Sistem da sgürar datas, computers**

546

Il capo orientescha cha l'indriz per sgürar las datas illa chanzlia nu funcziuna plü, davo sclerimaints culla Ruf Informatik s'haja vis chi nu va plü a reparar l'indriz. Implü ha infuormà sar Ferrari da la Ruf Informatik cha'ls computers sajan fingià passa 5 ons vegls. Impustüt il computer principal cul server nun ha plü la capacità per tuot las datas. I s'ha lura laschà offrir ils indrizz EED da la Ruf Informatik e da la Novicom. Il capo preschainta las offertas ed orientescha cha quist import nu d'eira gnü büdschettà. Our da quist motiv es la suprastanza cumünala da l'avis da rimplazzar pel mumaint be il computer principal e l'indriz per sgürar.

Decisiun: La suprastanza cumünala decida da laschar furnir l'indriz per sgürar las datas ed il computer principal da la Novicom causa cha quels sun illa regiun e l'offerta es eir plü favuraivla. Implü conceda la suprastanza il credit da fr. 3072.00. Pro quist import vegnan amo ils cuosts per l'installaziun.

PULIZIA**30.****7. Collavuraziun culla pulizia chantunala per controllas pulizialas in cumün**

547

Il schef infrastruttura orientescha chi nu saja amo gnü decis il proceder a regard la collavuraziun culla pulizia. Il capo fa la proposta ch'el mettess sü ils puncts che lavuors chi fessan dabsögn pel cumün d'Ardez e preschainta lura quists puncts a la suprastanza cumünala. I vain discus a regard il predsch e las cundiziuns per quista collavuraziun.

Decisiun: La suprastanza cumünala decida da surdar al capo l'incumbenza d'eruir che lavuors cha la pulizia chantunala vess da surtour. Cur chi sun avantman propostas vegnan quellas preschantadas a la suprastanza cumünala.

IMMOBIGLIAS**28.****8. Staziun Swisstop**

548

Il capo orientescha chi saja entrà il nouv contrat per la staziun Swisstop. Tenor il contrat actual vess il cumün stuvü surtour il spostamaint da las lingias pro'l fabricat dal palc chi's amunta a fr. 2'300.00. I'l nouv contrat esa però previs cha tals müdamaints surpiglia la Swisstop. Our da quel motiv ha il capo trattà la chosa e la Swisstop ha decis da surtour quels cuosts. Ün müdamaint chi dà pro'l nouv contrat es cha'l cumün survegn be amo fr. 450.00 fit e na plü sco avant fr. 500.00. Il motiv es, cha l'indriz douvra damain forza electrica sco calculà fin uossa. Il fit vain però minch'on adattà a l'incharimaint. Il capo fa la proposta d'approvar il nouv contrat.

Decisiun: La suprastanza cumünala approuva il contrat da fittanza.

9. Orientaziuns e varia

Il schef dicasteri rument orientescha cha la Viafier retica haja cumanzà cullas lavuors gion staziun. Il material da s-chav vain deposità illa deponia Tars.

3-04.-09

In buna fai

La chanzlista:

Il capo: